

Соф. 520, л. 30об.-л. 31об.

множества ра грѣхъ мои не ѿверзи мене вѣко гдѣ бже мои . нынѣ бо прихожю к чюдному і
і небесному таинству . не тако же достоинъ сы держю на се . но на твою възрѣвъ
великую блгть сию . простроу | гла свои . і несмь достоинъ възрѣти на побнью сию
трапезу на неже бѣ нашъ іс хъ едоночадыи твои снѣ лежить . в жертву съдробенъ .
тѣмь млтву приношу к тебѣ . всею скверною осквернью ми сѧ і прошю оставления
грѣховъ . да бы пришелъ оутѣшитель і очититель грѣхъ моихъ силы и стѣи дхъ твои .
оукрѣплѧа і оутвержаѧа мѧ . да о чюднѣи сеи и славнѣи жертвѣ хвалу всылаем . оцю і
снѣ і стѣи дхѣ: